

Förpacknings- och Tidningsinsamlingen obavještava*

BKS



Svaki put kada neku ambalažu ili novine vratite u reciklažu dogodi se nešto veliko. Stari zatvarač za boce se pretvara u navrtanj. Zgužvana kutija deterdženta za pranje postane lijepa kutija za cipele. Pročitane novine postanu nove novine za čitanje. Na taj način pomažete da se uštedi velika količina energije. Vi tako također pazite da prirodne sirovine ne nestanu iz opticaja. Zahvaljujući vama okolina ostvaruje veliku dobit. Na taj način i vi, svaki puta kada nešto vratite u reciklažu, ostvarujete dobit.

Ambalaža i novine u opticaju

Sva prikupljena ambalaža i novine se prerađuju u novu ambalažu ili nove proizvode. Plastična ambalaža može postati sve počevši od štitnika od buke i četki za pranje posuđa do saksija za cveće i plastičnih vreća. Staklo, valoviti karton (wellpapp) i papirnata ambalaža postaju prije svega nova ambalaža. Metalna ambalaža može postati željeznička tračnica, automobilska karoserija i štošta drugo. Pročitane novine postaju novinski papir!

Odgovornost proizvođača

Vlada je donela odluku da svako poduzeće koje proizvodi, uvozi, puni ili prodaje ambalažu ili upakovanu robu, snosi odgovornost da postoji sistem prikupljanja, gdje krajnji potrošači mogu vratiti ambalažu u reciklažu. To se zove odgovornost proizvođača. Isto vrijedi za novine i stari papir koji se reciklira. Proizvođači ili uvoznici novinskog papira i štampari ili uvoznici novina također trebaju snositi odgovornost za prikupljanje i reciklažu starog papira. Ambalaža i novine su jedne od prvih grupa proizvoda za koje proizvođač snosi odgovornost. Oni čine velik deo kućnog otpada i s njima je rlativno lako postupati. Proizvođači ambalaže i papira za recikliranje surađuju pod imenom "Prikupljanje ambalaže i novina" (FTI – Förpacknings- och Tidningsinsamlingen). Cjelokupna djelatnost se provodi bez namere ostvarivanja dobiti.

Stanica za prikup- ljanje materijala za reciklažu

FTI snosi odgovornost za otprilike 5 800 stanica u cijeloj zemlji, koje prikupljaju materijale za reciklažu. Tamo odlazite kako bi ostavili novine i plastičnu, papirnatu, metalnu i staklenu ambalažu na reciklažu. (Tamo se također mogu nalaziti spremnici za baterije i odjeću.)



www.ftiab.se, tel 0200-88 03 11
*Prikupljanje ambalaže i novina

Ovako sortirate:

Sva ambalaža treba biti prazna i očišćena. Ambalažu od različitog materijala treba razdvojiti. Ukoliko ne možete razdvojiti različite materijale, sortirajte pakovanje prema onom materijalu kojega po težini ima najviše.



PLASTIČNA AMBALAŽA

Tvrda plastična ambalaža

Primjer: boce, posude, kanistri i male kante.

Mekana plastična ambalaža

Primjer: plastične kese, paketi za ponovno punjenje, tube, vrećice za čips, frigoalit, plastične folije i film

Postupite ovako: Prikupljanje tvrde i mekane plastične ambalaže postoji na svim stanicama za prikupljanje materijala za reciklažu, ali se prikupljanje odvija na dva različita načina. Ambalaža se ili prikuplja u zajedničke, iste spremnike, što je najčešće slučaj; ili se mekana i tvrda plastična ambalaža prikuplja svaka za sebe u razdvojenim spremnicima. Prema oznakama na spremnicima za prikupljanje možete vidjeti kako postupiti u vašoj općini. Isto vrijedi na stanicama za prikupljanje uz zgrade. Skinite zatvarače za boce i poklopce. Istresite plastičnu ambalažu iz kese u spremnik, tako da leži razdvojeno, jer to olakšava reciklažu.

Pažnja! Plastične stvari (na primjer namještaj i igračke), koje nisu ambalaža, se vraćaju kao kruti i krupni kućni otpad. Plastične boce za povrat se vraćaju u prodavaonici.



PAPIRNATA AMBALAŽA

Primjer: vrećice za šećer, kutije za tjesteninu, papir za umatanje poklona, tetrapak za mlijeko i sok, kutije za cipele, rola za toaletni papir, omot za cd/knjige koje dobivate preko poštanskih narudžbi i kutije od valovitog kartona.

Postupite ovako: Izravnajte i savijte. Stavite manju ambalažu u veću.

Pažnja! Kovrte bacite u kućni otpad (ili u spremnik za otpad koji se može zapaliti, ako takva mogućnost postoji). Novine, reklamni prospekti i slično se stavljaju u spremnike za novine.



METALNA AMBALAŽA

Primjer: konzerve, bočice od spreja, tube, zatvarači i poklopci, isušene konzerve za boju i aluminijske folije i kalupi.

Postupite ovako: Savijte prema unutra oštre poklopce na konzervama. Ostavite zatvarač na tubi za kavijar

Pažnja! Posude s bojom i ostacima ljepila se ostavljaju na mjesta za opasni otpad. Metalni otpad, VVS (grijanje, ventilacija i sanitetski čvor) - manji dijelovi, tave za pečenje i drugi proizvodi koji nisu ambalaža se vraćaju kao kruti i krupni kućni otpad. Konzerve za piće za povrat se vraćaju u prodavaonici.



STAKLENA AMBALAŽA

Primjer: boce i posude od obojanog i neobojanog stakla.

Postupite ovako: Skinite zatvarače, poklopce i čepove i sortirajte ih za reciklažu prema materijalu.

Pažnja! Boce za povrat od 3,3 i 5 dl se vraćaju u prodavaonicama uz povrat kaucije. Porculan, keramika i drugo staklo koje nije staklena ambalaža se vraćaju kao kruti i krupni kućni otpad. Žarulje i neonske lampe se ne smiju vraćati sa staklenom ambalažom, nego se obično vraćaju u općinskim stanicama za prikupljanje materijala za reciklažu, u vezi dodatnih obavijesti se obratite vašoj općini.



NOVINE

Primjer: Dnevne novine, tjednici, časopisi, katalozi, reklamni prospekti, brošure i papir za pisanje ili crtanje.

Postupite ovako: Odstranite plastične vrećice i reklamne etikete prije nego što tiskani papir stavite u spremnik.

Pažnja! Obs! Kovrte bacite u kućni otpad (ili u spremnik za otpad koji gori ako takva mogućnost postoji).